

DJI MUMĀ KI U PHUI JUK MUMĀ DJI AUDJIĒSIA DJI KUXTODJIA



U ale phui? U lafamī ale phui? Ěbe ke fet audjiēsia dji kuxtodjia, ki a mumā ki juif-la ke gade si ie phui u dako ke lua-la, si ie pa malmenē u i li ke deside si mun-la puve hepon justxis ā libiate o si li ke kumase hepon pu so to phui. Gade xak mumā:

1.

2.

3.

4.

5.

6.

Kā ie ke dumāde u la lapolis:

Mun ki phui-la gāiē dhue dji hete this pa hepon āiē, li pa oblige hepon āiē i ie pa ke puve fel djimal pu sa lakos-la.



Papie dji u to:

Mun ki phui-la ke husuve un papie kote ie ekhi so to, nō dji lapolis ki phuil i dji mun ki ue kā ie phuil.



Ezam dji ko dji delito:

Ie gāiē dji pote mun ki phui-la pu fe un ezam aphue ki li finī bladje ke lapolis.



Bladje heng ke mun ki ke defiel:

Mun ki phui-la gāiē dhue dji bladje āvā audjiēsia dji kuxtodjia, ke mun ki ke defiel, heng ie un so, sā phuezās dji lapolis o nēpot uot mun.



Atēdjmēto sosial:

Mun ki phui-la puve pase pu un atēdjmēto sosial (APEC) kote ie ke husuvel i li ke husuve ifohmasiō kle i li ke puve hakōte so situasiō dji so lavi i kisa li nesesite sosial i dji lasāte.

AUDJIĒSIA DJI KUXTODJIA



**SAVE PLIS LA TXILIV
DJI AUDJIĒSIA DJI
KUXTODJIA:**



FAZENDO JUSTIÇA



SENAPPEN
Secretaria Nacional de Políticas Penais



UNODC
Escritório das Nações Unidas
sobre Drogas e Crime



CNJ
CONSELHO
NACIONAL
DE JUSTIÇA

DHUE DJI MUN KI PHUI



Si u mem, kek lafamī o kamahad ale phui, li ke pase pu audjiēsia dji kuxtodjia. Kōphan kilakel ki a dhue dji mun ki lādā kuxtodjia:

Gāiē dhue dji **pa hepon kā ie ke dumādel**, li pa oblige hepon āiē i ie pa puve fel djimal pu sa lakos-la.



Si mun ki phui-la a **pa bhueziliē** justxis-la djivet viatxi xef-iela ki hespōsav. Si **li sa mun ki vinī dji uot pei ēdjē o li gāiē kek problem** pu tāde, justxis-la gāiē dji pote un mun pu idel.



Gāiē dhue dji **koze ke so lafamī o uot mun ki li le** tuju la delegasia dji polis.



Gāiē dhue dji gāiē un mun **pu defiel, defēsoria publika o un avoka**.



Ie djivet **potel djivā un juif juk 24 ledjītā** aphue ki ie phuil.



Gāiē dhue dji **husuve bō djilo i māje**.



Gāiē dhue dji bladjē ke mun ki ke defiel, āvā audjiēsia dji kuxtodjia, heng ie un so, sā phuezās dji lapolis o kek uot mun.



**SAVE PLIS LA TXILIV
DJI AUDJIĒSIA DJI
KUXTODJIA:**



FAZENDO JUSTIÇA



SENAPPEN
Secretaria Nacional de Políticas Penais



UNODC
Escrítorio das Nações Unidas
sobre Drogas e Crime



PND
CONSELHO NACIONAL DE JUSTIÇA

CNJ CONSELHO
NACIONAL
DE JUSTIÇA

ZOD DJI ĀTĀSIŌ



Fātāsiō!

La audjiēsia dji kuxtodjia juif-la ke mete kōdjisiō pu mun-la hepon so phose liv. Ie ka numēl dji 'zod dji ātāsiō'.

Gade un de lekzam dji zod dji ātāsiō:


- Pahet la thibunal tut tā pu viatxi i hakōte kisa u ka fe;
- Āpexmā dji ale i hete lādā kek kote;
- Āpexmā dji bladje i phoxe kek mun;
- Hete la kaz dehātxi nuit-la i lādā ju ki u pa ka thavai;
- Peie un kātxite lajā;
- Veie mun ke maxin (tohnozeleira).

Li boku ipohtā ki sa zod dji ātāsiō-iela u hespete pu pa ale phui āko.

SAVE PLIS LA TXILIV
DJI AUDJIĒSIA DJI
KUXTODJIA:



VEIE MUN-LA KE MAXIN (TOHNOZELEIRA)



**Juif-la puve hukumāde veie mun-la ke maxin
(tohnozeleira) aphue audjiēsia dji kuxtodjia
kom un kōdjisiō pu hepon phose-la libiate.**

U save ki tohnozeleira ka mōthe kote u fika 24 ledjitā pa ju
pu kōthole i kūphui desiziō dji juif-la?

Ātāsiō! Tohnozeleira-la gāiē dji tut tā ka fusionē (ke so xaj
plē) pu pa lese dji kuphui desiziō judjisial.

**SAVE PLIS LA TXILIV
DJI AUDJIĒSIA DJI
KUXTODJIA:**



SENAPPEN
Secretaria Nacional de Políticas Penais



UNODC
Escritório das Nações Unidas
sobre Drogas e Crime



PND
CONSELHO
NACIONAL
DE JUSTIÇA

CNJ CONSELHO
NACIONAL
DE JUSTIÇA

THAVAI, LASUE I EDUKASIŌ



U ale phui i u pa ka thavai o lekol? Atēdjmēto sosial puve ide.

Se ajēsia dji thavaio-iela ka fusionē kom un sethal dji thavai kote u puve thuve un xās dji thavai.

Edukasiō dji jon mun i ghamun (EJA) puve fet dji māiē ke u phuezās o ā djistās li ka ofui dji txiklas ā ghāklas lekol.

Gāiē un de thoa benefis ki u puve gāiē, si u gāiē tut sa ki ie ka dumāde, kumā:

Benefis dji prextasiō kōtxinē (BPC): benefis dji prextasiō kōtxinē (BPC/LOAS) a gahātxi dji un kātxite lajā pa mua pu mun ki īvalid i ghamun ke 65 anē o plis ki ke fe laphuev ki li pa gāiē kumā pu sutunī so ko i nē so lafamī.

**SAVE PLIS LA TXILIV
DJI AUDJIĒSIA DJI
KUXTODJIA:**



FAZENDO JUSTIÇA



SENAPPEN
Secretaria Nacional de Políticas Penais




UNODC
Escritório das Nações Unidas
sobre Drogas e Crime



CNJ CONSELHO
NACIONAL
DE JUSTIÇA

LASĀTE



**U ke problem dji lasāte, osi ke buesō i uot dhog?
Atēdjimēto sosial la audjiēsia dji kuxtodjia puve ide.**

Kā ie ke husuve u li pusiv ie voie u pu un kote ki ie ka siavi vit i la mem tā pu kōsute, fe ezam i vaksinē.

Fātāsiō!

Kā no gāiē un fam ghos lādā lafamī-la li boku īpohtā sase un kaz dji lasāte (UBS) pu phā īfohmasiō suje pokosiō ke u ko i u tximun.

Si u mem obiē un dji u lafamī bēzuē dji thetmā lādā lasāte dji u tet, li pusiv ie ide u la un CAPS (kaz dji atēsiō psikososial).

Si gāiē un problem suje buezō i uot dhog, li pusiv ie ide la un CAPS AD (kaz dji atēsiō psikososial – ahkol i dhog).

Atēdjimēto sosial gāiē īfohmasiō suje sa bagaj-iela i uot osi ki djisponiv.

**SAVE PLIS LA TXILIV
DJI AUDJIĒSIA DJI
KUXTODJIA:**



KOTE U KA HETE, ASIX-TĒSIA SOSIAL I BENEFIS SOSIOASIXTĒSIAL-IELA



U ke problem dji kote pu u hete?

La atēdjmēto sosial la audjiēsia dji kuxtodjia u puve husuve īfohmasiō ipohtā!

U save? Tut mun gāiē dhue dji gāiē un kote pu ie hete ke kōdjisiō dji viv, saneamēto basiko i un kote ki ke defiel dji kek malo.

Fātāsiō!

Kaz-iela ki ka husuve mun ki lādā situasiō dji viv la lahi (sētro POP) a kote ie ka ofui atēdjmēto ispesialize pu populasiō ā situasiō dji viv la lahi.

Kaz dji heferēsia dji asistēsia sosial (CRAS) osi ka bai īfohmasiō suje progham dji kote pu hete, aloje sosial i posiv benefis dji ie ide u peie djilo i lime.

**SAVE PLIS LA TXILIV
DJI AUDJIĒSIA DJI
KUXTODJIA:**



FAZENDO JUSTIÇA



SENAPPEN
Secretaria Nacional de Políticas Penais



UNODC
Escritório das Nações Unidas
sobre Drogas e Crime



CNJ CONSELHO
NACIONAL
DE JUSTIÇA



MALMENĒ I MALFUTXI



U save akisa malmenē i malfutxi?

Amiase, bat o dji mun-la tut fasō a leksam dji malfutxi i mun-la pa bai piamī pu sa.

U o u lafamī sufui ie malmenē i malfutxi zot?

La audjiēsia dji kuxtodjia a mumā dji hakōte tut ki hive ke u, djipi mumā ki lapolis phui u juktā u hive la audjiēsia. Justxis-la bēzuē save si ie malfutxi u o kek lapolis malmenē u pu ie sase save kumā sa fet.

**SAVE PLIS LA TXILIV
DJI AUDJIĒSIA DJI
KUXTODJIA:**

